

chio & Papiro, eis simul injungens silentium super dubitationibus, difficultatibus, & querelis occasione hujus Bullæ excitatis, aut excitandis. Diu postea, ann. scilicet 1690. Alexander VIII. damnavit hanc propositionem: *Bulle Urbani VIII. In eminenti, est subreptitia.* Non fuit autem hæc Bulla solemniter promulgata in Belgio, obstantibus Jansenistarum motibus, nisi ann. 1648. instante apud Regem Catholicum & Archiducem Leopoldum Innocentio X. Urbani Successore.

IV. Interea dimicabant in Gallia Isaacus Habertus Doctor Sorbonicus contra Jansenium, & Antonius Arnauldus pro Jansenio. Anno 1649. instante D. Cornet Facultatis Parisiensis Syndico, delatæ sunt ad examen Facultatis 7. propositiones, a quibus duabus ultimis recisiss, & neglectis remanserunt quinque famose, scilicet. 1. Aliqua Dei præcepta hominibus jussu volentibus, & conantibus secundum præsentem quas habent vires, sunt impossibilia; deest quoque illis gratia, qua possibilia fiunt. 2. Interiori gratiæ in statu naturæ lapsæ nunquam resistitur. 3. Ad merendum & demerendum in statu naturæ lapsæ, non requiritur in homine libertas a necessitate, sed sufficit libertas a coactione. 4. Semi-Pelagiani admittebant prævenientis gratiæ interioris necessitatem ad singulos actus, etiam ad initium fidei; & in hoc erant hæretici. 4. Episcopus in subscriptione, quæ continetur in actis verbalibus Synodorum Diocæsanarum, inseruisse eandem distinctionem, & exceptionem Juris & Facti; qua non obstante, nec Pontifici incognita, ipse tamèn pacem cum illis inerat, & inde dicta est Pax Clementis IX. Verùm, esto in actis verbalibus secretis contineri restrictionem, seu exceptionem Facti, certum est eam SS. Pontifici non innotuisse, & ipsum existimasse dictos Episcopos sine ulla exceptione subscripsisse. Id constat 1. ex Literis istorum Episcoporum & Mediatorum ad SS. Pontificem, de quibus supra. 2. Ex ipsius Clementis Brevi, dato 1668. Regi Christianissimo, in quo dicit, *se cum lætitia cognovisse in simplici & pura subscriptione Formularii quatuor illorum Episcoporum obedientiam.* 3. Ex altero Brevi ejusdem Pontificis ad Episcopos, pacis Mediatores, 19. Januarii 1669. ubi dicit SS. Pontifex, *Non sine lætitiæ sensu pervidimus ex literis Fratrum vestrarum... de perfecta, & integra obedientia nobis, & Apostolicæ Sedi præstita per Episcopos Andegavensem, Bellovacensem, Apamiensem, & Alecensem subscriptione Formularum sincero animo, & juxta præscriptum Literarum Apostolicarum ab eis facta.* Item ex altero Brevi ejusdem Clementis XI. ad 4. Episcopos prædicto eodem die & anno dato, in quo dicit: *Cum ingenti obsequio, nobis & huic S. Sedi per vos debiti, testatione significabatis, vos juxta præscriptum Literarum Apostolicarum... sincere subscripsisse & subscribi fecisse Formularium... Nam, Prædecessorum nostrorum Constitutionibus firmissimè inherentes, nullam circa illud exceptionem, aut restrictionem admitturi unquam fuistis.* Quid expressius? 4. Tandem ex Bulla Clementis XI. *Vineam Domini Sabbathi*, data anno 1705. in qua SS. Pontifex graviter reprehendit eos, qui Clementis IX. Literas in erroris sui patrocinium advocare temerario planè ausu non erubescunt... perinde ac si memoratus Clemens prædecessor... aliquam in tam gravi negotio exceptionem, seu restrictionem: quam nullam prorsus se unquam admitturum protestatus fuit, respiciat admittisse.

Anno 1640. 85. Episcopi Gallicani has 5. propositiones Jansenii deferunt Innocentio X. condemnandas. Obstant ex adverso 11. Episcopi. Epistolam 85. Episcoporum reddit Innocentio X. 12. Aprilis 1651. Orator Regis Christianissimi. Alteram 11. Episcoporum reddidit Ludovicus de Saint amour Doctor Sorbonicus. Congregationibus institutis ad examen 5. propositionum, adveniant eodem anno Romam missi ab aliquot Episcopis DD. De Brousse, De la Lane, Doctores Parisienses, & Angran Licentiatas pro iis tuendis. Ex altera parte pro promovenda earum condemnatione accedunt DD. Hallier, Laugaut, & Joysel.

In 1. Congregatione SS. Pontifex Innocentius X. palam declaravit, se nolle ullum præjudicium inferri doctrinæ SS. Aug. & Thom. Post celebratas duorum annorum spatium 36. Congregationes, in quibus causa Jansenii ea diligentia, qua major desiderari non possit (ut dixit postea Alexander VII.) discussa est, tandem Innocentius X. die 31. Maii 1655. edidit Constitutionem *Cum occasione* in qua 5. propositiones, unamquamque speciali Censura notatam condemnat.

Primum, declarat, esse temerariam, impiam, blasphemam, anathematè damnatam & hæreticam; & uti talem damnat, decondam, ut hæreticam. Tertiam, item ut hæreticam. Quartam, falsam & hæreticam. Quintam, falsam, temerariam, scandalosam; & intellectam eo sensu, ut Christus pro salute dumtaxat Prædestinatorum mortuus sit, impiam, blasphemam, contumeliosam, divinæ pietati derogantem, & hæreticam declarat; & uti talem damnat.

V. Haec Constitutionem jussit Rex Christianissimus in suo Regno promulgari; & Episcopi Parisienses congregati eodem anno eam acceptarunt. Verùm, ut eam eluderent Janseniani, duo commentis sunt effugia: Primum, has 5. propositiones non esse Jansenii; Alterum, damnatas esse in sensu, a sensu Jansenii alieno; & hinc origo famose distinctionis juris & facti. Anno 1656. Alexander VII. Innocentii Successor, dedit alteram Bullam, in qua declarat 3. propositiones *Ex libro Jansenii excerptas, & in sensu ab eodem Jansenio intento damnatas fuisse*; & uti tales iterum damnat. Hæc Constitutio fuit solemniter recepta ab Episcopis Gallicanis ann. 1657. Anno 1661. eodem Præsules exposuerunt per litteras Alexandro VII. se ad firmiorem Constitutionum Apostolicarum executionem adhibuisse tum formulæ subscribende, cui subscribere multi recusabant, eo prætextu quod hujusmodi formulas condere ad SS. Pontificem privativè pertineat: quapropter rogabant, ut hujusmodi formulam mittere dignaretur. Annuit Alexander VII. data ann. 1665. nova Constitutione, *Regimini Apostolice*, in qua hæc fidei formula ab omnibus, & singulis Clericis subscribenda continetur: *ego N. Constitutioni Apostolicæ Innocentii X. datæ 31. Maii, anno 1653. & Constitutioni Alexandri VII. datæ 16. Octobris, anno 1656. SS. Pontificum, me subscipio, & 5. propositiones ex Cornelii Jansenii libro, cui nomen Augustinus, excerptas, & in sensu ab eodem Auctore intento, proinde illas per dictas Constitutiones Sedes Apostolica damnavit, sincero animo rejicio ac damno; & ita juro: Sic me Deus adjuvet, & hæc Sancta Dei Evangelia.* Huic autem formulæ subscribendi auctoritate Pontificæ accessit mandatum Regium. Hac subscriptione coactari Jansenistæ duo distinxerunt in formula, nempe jus, seu doctrinam contentam in 5. propositionibus, & factum scilicet attributionem hujus doctrinæ libro Jansenii. Quantum

ad 1. profitebantur se sincerè damnare in quinque propositionibus sensum erroneum, quem Ecclesia damnare voluit; & quantum ad hoc se paratos esse subscribere Formulæ. Quantum autem ad 2. divisi fuere: quidam Rigidiore contendebant nullo modo posse subscribi: alii remissionem opinabantur posse subscribi adhibitis quibusdam restrictionibus, seu cautionibus.

VI. Quatuor Episcopi Gallicani, Andegavensis, Bellovacensis, Apamiensis, & Alecensis in suis publicis mandatis pro subscriptione Formularii distinxerunt jus & factum: juri assensum fidei, facto silentii reverentiam tantum deberi dixerunt. Sed inde offensæ SS. Pontifici & Rege Christianissimo, alteram Formularii subscriptionem suis Diocæsanis jusserunt, & Clementi IX. Alexandri Successori per litteras testati sunt se *Sincerè, & absquæ ulla restrictione* Formularii Alexandri VII. subscripsisse. Idem testati sunt eidem Clementi IX. 3. Episcopi, Cardinalis Estrens Laudunensis, Senonensis, & Catalaunensis, pacis inter 4. dictos Episcopos & SS. Pontificem Mediatores: cujus narrationis veritate supposita, Clemens IX. Literas gratulatorias dedit 4. Episcopis ann. 1669. Hac Pontifici cum 4. Episcopis reconciliatione abusi sunt Janseniani in patrocinium sui obsequiosi silentii: dixerunt namque, laudatos 4. Episcopos in subscriptione, quæ continetur in actis verbalibus Synodorum Diocæsanarum, inseruisse eandem distinctionem, & exceptionem Juris & Facti; qua non obstante, nec Pontifici incognita, ipse tamèn pacem cum illis inerat, & inde dicta est Pax Clementis IX. Verùm, esto in actis verbalibus secretis contineri restrictionem, seu exceptionem Facti, certum est eam SS. Pontifici non innotuisse, & ipsum existimasse dictos Episcopos sine ulla exceptione subscripsisse. Id constat 1. ex Literis istorum Episcoporum & Mediatorum ad SS. Pontificem, de quibus supra. 2. Ex ipsius Clementis Brevi, dato 1668. Regi Christianissimo, in quo dicit, *se cum lætitiæ cognovisse in simplici & pura subscriptione Formularii quatuor illorum Episcoporum obedientiam.* 3. Ex altero Brevi ejusdem Pontificis ad Episcopos, pacis Mediatores, 19. Januarii 1669. ubi dicit SS. Pontifex, *Non sine lætitiæ sensu pervidimus ex literis Fratrum vestrarum... de perfecta, & integra obedientia nobis, & Apostolicæ Sedi præstita per Episcopos Andegavensem, Bellovacensem, Apamiensem, & Alecensem subscriptione Formularum sincero animo, & juxta præscriptum Literarum Apostolicarum ab eis facta.* Item ex altero Brevi ejusdem Clementis XI. ad 4. Episcopos prædicto eodem die & anno dato, in quo dicit: *Cum ingenti obsequio, nobis & huic S. Sedi per vos debiti, testatione significabatis, vos juxta præscriptum Literarum Apostolicarum... sincere subscripsisse & subscribi fecisse Formularium... Nam, Prædecessorum nostrorum Constitutionibus firmissimè inherentes, nullam circa illud exceptionem, aut restrictionem admitturi unquam fuistis.* Quid expressius? 4. Tandem ex Bulla Clementis XI. *Vineam Domini Sabbathi*, data anno 1705. in qua SS. Pontifex graviter reprehendit eos, qui Clementis IX. Literas in erroris sui patrocinium advocare temerario planè ausu non erubescunt... perinde ac si memoratus Clemens prædecessor... aliquam in tam gravi negotio exceptionem, seu restrictionem: quam nullam prorsus se unquam admitturum protestatus fuit, respiciat admittisse.

VII. Cum nonnulli Episcopi Belgici ad majorem cautelam contra fraudes Jansenianorum quasdam ad additiones Formularii fecissent, eas Innocentius XII. Brevi dato 1694. ad Episcopos Belgii improbat & prohibuit, jussitque subscribendum esse Formulæ, & damnandas esse propositiones in sensu obvio, quem tam ipsius Formularii, quam propositionum verba præ se ferunt; injunctaque simul: *Ne ulla ratione quæcumque vaga ista accusatio & invidioso nomine Jansenismi traduci aut nunciari sine veri, nisi prius suspectum esse constituerit aliquam ex his propositionibus docuisse; aut tenuisse, nec quemquam sub hoc prætextu repellere ab officio, munus, Beneficium, Gratibus, & Concionibus habendis, vel aliis quacumque functione Ecclesiastica permittatis, nisi servato Juris ordine, eam panam, que viris alioquin Catholicis gravissima est, commoverit probatum fuerit.* Verùm, cum hæc hujus Brevis verba, in sensu obvio, quem verba præ se ferunt; in alienum sensum detorquebant Jansenistæ, quasi Pontifex exigeret tantum, ut propositiones in seipsis damnarentur in sensu obvio, quem earum verba præ se ferunt, nulla facta mentione, nec habito respectu ad sensum Jansenii, hunc vanum eorum Triumphum repressit idem Pontifex altero Brevi dato ad eosdem Belgii Episcopos ann. 1696. Neque eos juvant hæc voces, *præteritis Jansenistæ*, quibus utitur Pontifex in isto Brevi: non enim per illas intelligit fictos Jansenistas, ut quidam imaginantur, sed qui tales prætenduntur, id est, denunciantur & declarantur: distinguit enim ibi Pontifex inter Jansenistas internos & externos, quos utrosque *præteritis* appellat, & mandat, ut externi secundum rigorem Juris puniantur: ergo per *præteritis* non intelligit fictos, aut falsos.

VIII. Anno 1702. confictus est famosus casus conscientie, in quo quidam Clericus inducitur, cui absolute denegata fuit, quæ declaraverat se *revera 5. propositiones simpliciter, & absolute damnare, ac formulæ fidei Alexandri VIII. subscripsisse quidem, nihilominus quantum ad questionem facti, seu attributionem illarum 5. propositionum libro Jansenii, existimare se religiosum sufficere silentium.* Hic casus propositus fuit 40. Doctoribus Parisiensibus, qui hic verbis responderunt: *Doctores infra scripti, visa casus expositione, hujus Ecclesiastici viri sententiam nec vocam esse, nec singularem, nec ab Ecclesia damnatam, neque talem, ut Confessarius possit ipsi Sacramentalem denegare absolutionem, nisi eam retractaverit. Deliberatum in Sorbona die 20. Julii ann. 1702.* Hanc responsionem improbat, & proscripsit Clemens XI. Brevi dato anno 1703. ad Regem Christianissimum. Eandem eodem ann. damnavit Cardinalis Noallius Archiepiscopus Parisiensis. Idem præstiterunt plurimi Episcopi Gallicani. Hinc factum est, quod

omnes Doctores Parisienses, uno excepto, subscriptionem suam revocaverint. Postremo Clemens XI. solemnè illa *Vineam Domini Sabbathi*, data anno 1705. postquam confirmavit, ac innovavit Constitutiones Innocentii X. & Alexandri VIII. & Brevia Clementis IX. & Innocentii XII. a pravis Jansenianorum interpretationibus vindicavit, decernit, *obediencie, que præteritis Constitutionibus debetur, obsequioso illo silentio minime satisfieri.*

IX. Tandem, cum Paschasius Quesnel, Oratorii Jesu Presbyter, in libro Reflexionum moralium in novum Testamentum multos errores in Bajo, & Jansenio damnatos inseruisset, idem Clemens XI. anno 1713. librum & 102. propositiones ex eo excerptas damnavit celebri Constitutione *Unigenitus*, quæ ab universa Ecclesia est acceptata, a qua proinde non est appellatio, utpote ab Ecclesia ad Ecclesiam.

Subjiciemus infra systemata Jansenii.

DISSERTATIO II. PRÆAMBULA.

DE VARIIS NATURÆ HUMANÆ STATIBUS.

Status est conditio homini conveniens cum quadam firmitate, & immobilitate. Sumitur hic pro conditione, & modo stabili, quo se habet natura humana in ordine ad suum ultimum finem. Quoruplex distinguitur. 1. Status naturæ puræ. 2. Status naturæ integræ. 3. Justitiæ originalis. 4. Naturæ lapsæ. 5. Naturæ reparatæ. Possent adici status gloriæ, & status damnationis; sed de his non est hic quæstio, quia tantum nunc naturam spectamus, prout per auxilium divinum tenet ad suum ultimum finem. Itaque hæc Dissertationem Tractatui gratiæ præmitto, quia illorum statuum explicatio non parum conducit ad cognitionem necessitatis, diversitatis, & proprietatum gratiæ, moventurque circa illos graves difficultates.

ARTICULUS I.

Explicatur quinque Status naturæ humanae

§. I. Status naturæ puræ.

Status naturæ puræ importat præcisè naturam cum suis principis intrinsecè constituentibus, & illis, quæ ex illis sequuntur, seu ei debentur. Hinc. 1. Homo in natura pura conditus foret sine peccato, sine gratia sanctificante, sine virtutibus infusis, & sine auxiliis gratiæ ordinis supernaturalis, quia hæc illi non debentur ex ejus principis intrinsecis. 2. Foret obnoxius fami, siti crucianti, labori, morbis, passionibus alterantibus, & morti; quia, cum corpus, quod est pars materialis naturæ, componatur ex contrariis, quæ continuò inter se pugnant, hæc ex ejus principis intrinsecis sequuntur. 3. (1. *contr. gen. c. 52.*) Obnoxius foret ignorantie, & concupiscentiæ. Ignorantiæ, quia, cum intellectus natus sit ex sensibus notitiam intelligibilem acquirere, facillè propter phantasmata a vero deviare potest. Concupiscentiæ; quia, cum in natura humana non sit solum appetitus rationalis, sed etiam sensitivus, scilicet irascibilis, & concupisibilis, & unusquisque feratur in suum obiectum, rationalis in bonum secundum rationem, seu bonum honestum, irascibilis in bonum sensibile arduum, concupisibilis in bonum sensibile delectabile, non raro contingeret, quòd appetitus sensitivus ferretur in bonum sensibile contra dictamen rationis, siquæ forent motus inordinati contra rationem; sicut videmus, quòd ager appetat potum frigidum, repugnantem ratione. Neque obstat, quòd appetitus sensitivus naturaliter subjiciatur rationi; (1. 2. *quæst. 17. art. 7. o.*) subjicitur enim dumtaxat policite, ut civis Principi, uxor viro, filius Patri, qui possunt rebellare; non despoticè, ut servus domino, pes, aut manus voluntati, quæ in omnibus obediunt.

forent tamèn debita speciei naturæ, & eaque suæ providentiæ deberet Deus, ne frustra naturam ad aliquem finem condidisset, si nullum ejus individuum hunc finem assequeretur: sicut naturæ elevatæ ad finem supernaturalem debentur auxilia ordinis supernaturalis, sufficientia in omnibus ejus individuis, efficiacia in quibusdam ad hunc finem prædestinati.

6. Quamvis tempore S. Thom. (In 2. d. 29. *quæst. 1. art. 2. 1. p. quæst. 95. art. 1.*) quidam Theologi tenebant hunc statum existisse in Adamo, antequàm gratia sanctificante donaretur; nunc tamèn omnes conveniunt nunquam existisse, sed primum hominem, sicut & Angelos, fuisse creatos cum gratia sanctificante, & elevatos ad ordinem supernaturalem. Dicitur enim Eccl. 7. *Deus fecit hominem rectum.* Et Aug. 12. de civit. c. 9. loquens de Angelis, est autem eadem ratio de homine, *Deus, inquit, simul erat in eis condens naturam, & largiens gratiam.* Insuper Matth. 25. dicitur, Deum a constitutione mundi præparasse bonis Regnum Cælorum, malis Infernum, id est, felicitatem, & infelicitatem supernaturalem, consequenter Deum instituisse ordinem gratiæ simul cum ordine naturæ, & ad illum Angelos, & homines elevasse.

§. II. Status naturæ integræ.

1. Status naturæ integræ consistit in perfecta subjectione corporis ad animam, & appetitus sensitivi ad rationem: proudequè importat immunitatem ab ignorantia, concupiscentia, morte, & passionibus naturam alterantibus. Quia natura dicitur integra, dum inter ejus partes nulla est divisio, aut defectio a perfectione, inferioraque perfectè continetur superioribus, consequenter dum corpus perfectè continetur sub potestate animæ, ita ut nulla alteratione, aut corruptione ab ejus dominio deficiat, & appetitus sensitivus nihil habet rationi repugnans. Quòd si esset tantum alterutra subjectio, vel solius animæ ad corpus, vel solius appetitus sensitivi ad rationem, non foret perfectus status naturæ integræ, sed partialis ejus perfectio. 2. In ea natura integritate fuit creatus Adam. 1. Quantum ad immortalitatem, constat ex illo Genes. 2. *In quocumque enim die comederis ex eo, morte morieris:* ergo, si non comedisset, non fuisset mortuus. Item ex illo Sap. 2. *Deus creavit hominem inextinguibilem, invidia autem diaboli mors intravit in orbem terrarum.* Ad Rom. 5. *Per peccatum mors.* Et Pelagius in variis Conciliis fuit damnatus, quòd diceret Adamum esse mortalem factum, nosque nasci mortales, sicut Adam fuit creatus. Quantum ad immunitatem a concupiscentia, patet ex eo, quòd Genes. 3. dicitur, quòd, cum Adam, & Eva essent nudi, non erubuerunt; erubuerunt autem post peccatum; quia scilicet ante peccatum nullus motus inordinatus, de quo erubesceret, oriri poterat, post peccatum autem ortus est: & idèd Apost. vocat concupiscentiam peccatum, quia de peccato orta est, ut dicit Trid.

3. (1. *pars. quæst. 97. art. 1. o. & 3. ad 2. 1. 2. quæst. 97. art. 1. o.*) Donum integritatis situm erat in quadam vigore, quo homo corpus, & appetitus sensitivus ita sub dominio continebatur, ut nihil in eis contra ejus voluntatem accideret. Quantum ad defectum senectutis, contra quem iste vigor nihil poterat, aderat lignum vitæ, cujus proprius effectus erat vim vegetativam a simili languore præservare. 4. Istud donum in-







peccatum, jam non forent primordia naturalia, sed peccati supplicia. Item supponit ortum hujus animæ fore ab eo gradu, ad quem alterius animæ peccatis occassus est perducus; si autem supponeret peccatum, utrobique foret occasus. Quantum ad verba, quæ obijciuntur, istud malum meritum, de quo loquitur Aug. non est peccatum, sed poena peccati, seu mali meriti; & sensus est: si ignorantia, & difficultas, quæ est in una anima poena peccati, foret alteri naturalis, non idè esset aliquid perversum, nec Deus esset culpandus. Pater legenti textum integrum Aug.

Si dicas: saltè corpus, seu caro, cui per creationem infunderetur anima ista, esset seminalitèr ex Adamo peccatore. Dicit enim Aug. paulo post: *Caro de propagine veniens peccatoris, venientibus ad se animis, hanc ignorantiam, & difficultatem facit.* Nihil autem repugnat, propter Adamum peccatorem ejus prolem poena ignorantia, & concupiscentia affigi. R. Aug. in 2. hypothesi, in qua fundatur nostrum argumentum, abstrahere, undè sit caro; quæ autem afferunt ex ipso, pertinent ad tertiam hypothesim, de qua non est hic questio.

Quantum ad 2. Quæ obijciuntur ex Aug. non important gratiam ordinis supernaturalis, & propriè dictam, sed auxilium ordinis naturalis: Homo enim in natura pura per auxilia ordinis naturalis, & suo statui congrua posset acquirere virtutes morales, per quas ignorantiam, & concupiscentiam vinceret.

Cæterum, ut mens Aug. clariùs percipiatur, observandum est (ut ipsemet observat de dono persever. c. 11. & 12.) ipsum duplici modo processisse adversus Manichæos: 1. Probando ignorantiam veri, & difficultatem recti supponere peccatum, & ex eo ofiri, sicut in Deum non esse referendas. 2. Via ratiocinii, nimirum, quòd, licet forent primordia naturalia, neque peccatum supponeret, non idè etiam Deum esse culpandum, sed laudandum.

Procedendo 1. modo nihil dixit, quod faveret statui naturæ puræ: sed quia Manichæi non admittentibus veteri Testamentum, & rejiciebant in voto omne id, undè posset probari peccatum originale, secundo modo præcipue instituit; & juxta illum ratione probavit, estò non esset peccatum originale, atque ignorantia, & concupiscentia essent primordia naturalia, Deum nihilominus non esse Auctorem mali, nec culpandum; cum in hac hypothesi ignorantia, & difficultas recti forent proficendi admittitio, & perfectionis exordium. Cum autem Pelagiani statum naturæ puræ assertores retorquerent in Aug. quæ dixerat contra Manichæos: respondebat Aug. hæc ipsis non favere, quia arguerat contra Manichæos non ex præsentem rerum statu, neque auctoritate Scripturarum, quas negabant, sed ex variis ratiociniis, & hypothesibus, quibus constabat Deum non esse auctorem mali: Pelagiani autem, qui admittentibus veteri, & novum Testamentum, ex illis, & ex præsentem rerum statu confundebantur.

Ex his patet, Aug. non arguisse contra Manichæos ex hypothesi impossibili, ut quidam perperam dicunt: non enim potuisset S. Doct. Hæreticos confutare ex hypothesi, quam judicasset ipsemet impossibilem; neque dicenda est hypothesis impossibilis, juxta quam Deus non est culpandus, sed laudandus. Prob. ex S. Thom. in 2. d. 31. quæst. 1. art. 2. ad 3. ubi dicit: *Poterat Deus a principio, quando hominem condidit, etiam alium hominem ex limo terre formare, quem in conditione sua naturæ relinqueret, ut scilicet mortalis, & passibilis esset, & pugnant concupiscentia ad rationem sentiens; in quo nihil humane naturæ derogaretur, quia hoc ex principis naturæ consequitur.* Non tamen iste defectus in eo rationem culpæ, aut pænæ habuisset, quia non per voluntatem iste defectus causatus fuisset. Idem docet 4. contr. Gent. c. 52. tametsi congruum existimet, attenta suavi Dei Providentiæ, ut homo ab illis defectibus in sui creatione per dona supernaturalia eximeretur; undè dicit ex his defectibus posse probabiliter probari peccatum originale, quod modò magis explicabimus.

Prob. ratione. Status naturæ puræ, prout exprimitur in Conclusionè, non repugnat neque ex parte hominis; neque ex parte Dei: ergo est simpliciter possibilis. Prob. 1. pars. Ant. 1. Neque gratia sanctificans, neque donum integritatis, & immortalitatis sunt debita naturæ humanæ secundum se spectatè, sed merè gratuita, & ex sola Dei liberalitate collata: ergo status naturæ ab illis dotibus puræ non repugnat ex parte hominis. Patet Conseq. quia de ratione doni indebiti, & merè liberalis est, quòd possit ad nutum dantis concedi, aut denegari, & idè adversarii volunt naturam sine his donis non posse creati; quia putant ea illi ex quadam justitia deberi. Prob. Ant. In primis, quantum ad gratiam propriè dictam, & supernaturalis ordinis, 1. Ex ipso nomine: si enim debita, jam non est gratia: si ordinis supernaturalis, ergo supra totum ordinem, & debitum naturæ. 2. Quia per gratiam homo

fit filius Dei adoptivus, ad Galatas 4. De ratione autem adoptionis est, quòd qui adoptatur, non natura, nec aliquo jure, sed liberali adoptantis voluntate sit filius, & hæres. 3. Per gratiam homo fit consors divinæ naturæ, & ipsi datur Spiritus S. Rom. 1. Quis autem, hæc naturæ humanæ esse debita, & non omninò gratuita, dicat? Undè Aug. 1. 3. contr. Maximum c. 15. *Homo, inquit, ad similitudinem Dei factus est; tamen quia non est unius ejusdemque substantia, non est verus filius, et idè fit gratia filius, quia non est natura.* Quantum ad donum integritatis, & immortalitatis: Prob. Non est naturæ secundum se spectatè debitum donum, quo eximatur a defectibus ipsius naturæ principia consequentibus, sed magis debitum est, ut iis obnoxia relinquatur, ut patet in potentia peccandi, de qua modo; atqui ignorantia, concupiscentia, passibilitas, mortalitas consequuntur ex principis naturæ humanæ, ut docet S. Thom. 4. contr. Gent. c. 52. & nos diximus supra in expositione status naturæ puræ; scilicet, cum corpus humanum componatur ex contrariis continuo inter se pugnantibus, connaturalis esse, ut sit passibile, & corruptibile. Similiter appetitum sensitivum in ea, quæ sunt secundum sensum, moveri, quæ sæpè sunt contraria bono honesto, & rationis; itèr intellectum, qui ex sensibus natus est adipisci notitiam intelligibilem, difficile ad eam pervenire, & facile propter phantasmatà a vero deviare. Undè Aug. 1. 4. contr. Jul. c. 16. loquens de concupiscentia: *Gratia Dei, inquit, ibi magna erat, ubi terrenum, et animale corpus bestialem libidinem non habebat:* ergo.

Prob. 2. prima pars primi Ant. Homo conditus in puris naturalibus haberet omnia, quæ ipsi competunt naturalitèr, seu ex principis intrinsicis, tam in esse physico, quam in esse morali: ergo status naturæ puræ non repugnat ex parte hominis. Prob. Ant. In ordine physico homo constituitur corpore, & anima rationali cum suis proprietatibus, & potentis tam spiritualibus, quam sensitivis. In ordine morali exigit habere liberum arbitrium, suum finem, & media illi proportionata cognoscere, atque per ea finem posse assequi; atqui hæc omnia haberet in statu naturæ puræ: & quidem de principis intrinsicè constituentibus, & proprietatibus naturalibus, atque libero arbitrio, nemo negat. De cæteris probatur: Finis proximus hominis in statu naturæ puræ foret bonum honestum, finis ultimus Deus ut Auctor naturæ, media ad illum finem consequendum actus morales boni per auxilia ordinis naturalis: hæc autem omnia, cum naturam non transcendant, cognosceret, nec deessent illi auxilia præfata, quibus per bonos actus morales hunc suum finem ultimam assequi posset; sicut enim ad Providentiam Divinam pertinet unicuique rei naturali providere de mediis suo fini, ad quem creata est, proportionatis, a fortiori provideret creature rationali ad imaginem suam factæ; neque sanè id posse Deum fas est negare. Si autem posset, & indigeat creatura rationalis in præfato statu, procul dubio daret. Sicut ergo in statu supernaturali elevationis dantur omnibus auxilia sufficientia ad finem supernaturalem consequendum, & quibusdam prædictis efficacitè; ita & in statu naturali darentur omnibus auxilia sufficientia ordinis naturalis, & quibusdam officibus. Neque, ut jam notavi, ista debent censeri naturæ puræ indebita; esse enim sint indebita cuilibet individuo, sunt tamen debita speciei naturæ in aliquibus suis individuis secundum beneplacitum Auctoris naturæ, qui etiam hæc suæ providentiæ deberet, ne frustrà condidisset naturam humanam in ordinè ad suum finem, si nullum ejus individuum illum obtineret.

Sic probata 1. parte 1. Antecedentis, spontè fuit 2. pars scilicet status naturæ puræ non repugnare ex parte Dei. Si enim gratia supernaturalis, donum integritatis, & immortalitatis non sunt debita naturæ humanæ, hæc dona Deus illi denegare potuit absque lesione suæ justitiæ, bonitatis, & sapientiæ, sicut illi denegaret, & de facto denegavit Adamo innocenti donum impeccabilitatis. Item, si homo in statu naturæ puræ haberet omnia, quæ ipsi competunt secundum principia sua intrinsicè, tam in esse physico, quam in esse morali, salvator ordo Justitiæ divinæ, utiq; reddentis unicuique, quod ei debetur jure suæ creationis: salvatur ordo divinæ Sapientiæ, & bonitatis disponentis omnia ad suos fines: ergo.

Respondent quidam, hæc equidem dona non deberi homini jure suæ naturæ, Deum tamen non posse secundum æquitatem ea denegare suæ imagini innocenti. Sed contra 1. ex dictis Deus secundum suam æquitatem non plus debet suæ imagini innocenti, quam quod illi competit jure suæ creationis in ratione imaginis; atqui, ut probavimus, ista dona non debent homini imagini suæ jure suæ creationis: ergo 2. & validè confirmatur Conclusio: Peccatum, & potentia peccandi magis repugnant dignitati imaginis Dei, quam concupiscentia, ignorantia, & alii defectus naturales; atqui tamen Deus

illam æquitatem non abstulit ab homine innocente potentiam peccandi, & ipsum peccatum prævitum non impedit, cum utrumque facillimè posset: ergo. 3. Magis repugnare videtur dignitati imaginis Dei, quòd anima rationalis innocens uniatæ carni peccatrici, ex qua non solum memoratos defectus, sed longè pejorem, scilicet maculam peccati contrahat, quam si uniretur carni, memoratis quidem defectibus obnoxia, sed a labe peccati puræ; atqui Deus absquè iniquitate primum præstat, cum facillimè posset alitèr; ergo a fortiori potuit sine iniquitate secundum. In hoc ergo peccant adversarii, quòd æstimant æquitatem Dei ex infirma, & limitata ratione humana, cum æstimari debeat ex ipsa divina voluntate, & id omne sit justum, quòd Deus vult; neque, si aliud voluisset, fuisset injustum.

Prob. tandem ex pluribus propositionibus damnatis in Baji a SS. Pontificibus S. Pio V. Gregorio XIII. & Urbano VIII. 1. *Humane naturæ sublimatio, et exaltatio in consortium divine naturæ debita fuit integritati primæ conditionis, et proinde naturalis dicenda est, non supernaturalis:* est 21. inter damnatas. 2. *Integritas primæ conditionis non fuit indebita naturæ humane exaltatio, sed naturalis ejus conditio:* est 26. 3. *Deus non potuisset ab initio talem creare hominem, qualis nascitur; excepto scilicet peccato:* est 55. 4. *Immortalitas primi hominis non erat gratia beneficium, sed naturalis conditio:* est 78. 5. *Falsa est Doctorum sententia, primum hominem potuisse a Deo creati et institui sine justitia naturali:* est 79. Adde hæc Quesnellii damnata a Clemente XI. *Gratia Adami est sequela creationis, et erat debita naturæ sanæ et integræ:* est 35.

Respondent adversarii, non omnes propositiones Baji esse damnatas ut falsas, sed esse damnatas tantum. *Ut hæreticas, suspectas, temerarias, scandalosas, et in pias aures offensionem immitentes respectivè;* Pium V. in Bulla declinasse nonnullas aliquo pacto sustineri posse, & tandem Suarem ac Vasquesium docere ex ore Toleti, qui hæc de re missus fuit Lovanium a Gregorio XIII. quique probè noverat mentem SS. Pontificis, aliquas esse damnatas solum propter acerbiter censuræ, & quoad doctrinam posse sustineri ut veras. Sed contra 1. datò nonnullas posse aliquo pacto sustineri, quatenus nimirum sunt dumtaxat damnatæ propter acerbiter censuræ, ut dicunt laudati Theologi, ex, & quas retulimus, excepta ultima, non sunt hujus speciei, cum nullam contineant censuram. 2. Ambe Facultates Theologicæ, Lovaniensis, & Duacena, in suis declarationibus tunc temporis datis censuerunt omnes esse damnatas ut falsas, & omnibus contradictorias ut veras apposerunt. Apud Steyartium in annotat. ad propositiones damnatas pag. milii 160. & sequentibus.

Contentid laudatus Steyartius p. 154. & sequentibus, nullam propositionem ad Ecclesia damnari, nisi quæ sit falsa, & hæc falsitatem supponi, cum damnatur, ut vel temeraria, vel scandalosa, vel suspecta; quæ enim ultimum, inquit, intelligitur de graviore falsitate. Quòd si aliquando quædam damnatur expressè ut falsa, idè est quia sola falsitate peccat: & quæ damnatur propter acerbiter censuræ tantum, licet quoad doctrinam, quam continent, sint veræ, censura tamen, quæ est illarum pars, est falsa, & sic ipse sunt falsæ, & ut tales damnatæ. Potior ejus ratio est, quia aliquoquin ex condemnatione propositionum, sic respectivè damnatarum, quales sunt propositiones Wiclei, Joannis Hus, Lutheri, Molinos, & plurimæ aliæ tam laxiores, quam strictiores, nullum posset desumi argumentum ad asserendam veritatem oppositam; statim enim responderetur propositionem non esse damnatam ut falsam, sed tantum, ut vel temerariam, vel offensivam, vel scandalosam; quòd est magnum inconveniens in Scholis Catholicis, imò in Ecclesia. Hæc fateor, ratio non est contentendæ.

Juxta igitur hæc Steyartii sententiam, quam Lectoris judicio permitto, dicendum, quòd quamvis doctrina propositionum Baji, quæ continent censuram, propter quam sunt damnatæ, possint, seposita censura, sustineri (quo verisimiliter sensu dixit Pontifex nonnullas aliquo pacto posse sustineri) omnes aliæ, quæ simpliciter, & absquè censura efferuntur, sint falsæ quoad doctrinam, & nullo pacto possint sustineri, cujusmodi sunt omnes propositiones, de quibus hic est questio, excepta ultima. Et revera, ut dixi, utraque Facultas, Lovaniensis, & Duacena, censuit omnes esse damnatas ut falsas.

Respondent alitèr Theologi Catholici, qui negant tantum secundum quid possibilitatem naturæ puræ, id est, qui admittunt hominem potuisse quidem creati sine gratia, & sine immortalitate, non tamen sine immunitate a concupiscentia. Dicunt enim, hæc propositiones esse damnatas in sensu Baji, qui contendebat hominem non posse creati non solum sine immunitate a concupiscentia, sed etiam sine gratia, & immortalitate, hasque dotes esse naturæ innocenti naturales, & debitas, quas dotes involvunt propositiones damnatæ. Equidem fateor, quos-

dam, inter quos noster Gonet, hæc ratione excusare a censura laudatos Theologos. Alii tamen urgent hæc propositionem Baji damnatam: *Deus non potuisset ab initio creare hominem, qualis nunc nascitur:* itèr hæc: *Integritas primæ conditionis non fuit indebita naturæ exaltatio, sed naturalis ejus conditio:* quæ si damnatæ sint ut falsæ, earum contradictoriæ sunt veræ, hæc scilicet *Deus potuisset ab initio creare hominem, qualis nunc nascitur,* excepto peccato; non potest enim nisi absurdè alitèr intelligi. Nascitur autem nunc homo non solum sine gratia, sed etiam obnoxius concupiscentiæ: &, *integritas primæ conditionis fuit indebita naturæ exaltatio, non naturalis ejus conditio.* Integritas autem naturæ 1. per se importat immunitatem a concupiscentia, & potuisset Deus naturam integram creare sine gratia sanctificante, ut diximus supra. Sed, quidquid sit de Theologis orthodoxis, currit saltè probatio contra Bajum, Jansenium, & Jansenianos.

Restat discutere, qua potentia Deus potuerit creare hominem in statu naturæ puræ: an extraordinaria, an ordinaria? Id autem pendet ex diversa acceptione potentie ordinariæ, & extraordinariæ. Jam dixi initio articuli, non debere dici potentiam extraordinariam, qua sola attenda, & ab aliis divinis attributis præcisè, posset Deus aliquid facere, quòd esset suis perfectionibus contrarium, ut omnes Beatos in infernum detrudere, aut omnes diabolos in cælo beare: hujusmodi enim præcisio in Deo est chymica, & absurda, ut probatum est. Neque negavit Jansenius, statum naturæ puræ esse possibilem secundum hujusmodi potentiam, sed quia repugnat justitiæ & sapientiæ Dei. Alitèr ergo intelligenda est potentia Dei extraordinaria, & ordinaria.

Quidam intelligunt potentiam ordinariam illam, qua Deus non nisi effectus naturæ rerum proportionatos, & illi naturalitèr debitos producit: extraordinariam illam, qua effectus miraculosos, & super vires ac exigentiam naturæ producit. Juxta hæc intelligentiam dicendum est, quòd status naturæ puræ fuit possibilis de potentia Dei ordinaria; quia supponitur in illo omnia fore connaturalia, & nihil miraculosum, ut explicuimus.

Alii intelligunt potentiam extraordinariam illam, qua Deus potest multa facere, quæ tamen decrevit non facere, & quæ consequenter non subjacent ordini præsentis providentiæ, hoc est ordinis, quem ipse statuit in rebus perdendis ad fines, quos ipse sibi proposuit. Vocant potentiam ordinariam illam, qua Deus exequitur, quòd ipse facere decrevit, & ita videtur sentire S. Thom. 1. part. quæst. 25. art. 5. ad 1. dicens: *Quod autem attribuitur potentie divine secundum quod exequitur imperium voluntatis justæ, hoc dicitur Deus facere de potentia ordinaria.* Juxta hæc intelligentiam dicendum est, Deum non potuisse creare hominem in statu naturæ puræ potentia ordinaria, sed extraordinaria tantum; quia supposito ordine, quem Deus statuit in rebus, elevatione scilicet creature rationalis ad finem supernaturalem, ex singulari benevolentia, istè status non subjacet præsentem providentiæ, sed mansit in sua possibilitate; modo tamen in ea sententia omninò concedatur, quòd Deus plene & sine ullo suorum attributorum præjudicio potuerit alterum rerum ordinem statuere, & juxta illum creare hominem in statu naturæ puræ.

Quod ut melius intelligatur, observandum est hoc esse discrimen inter nostram & Dei voluntatem, quòd voluntas divina efficit bonum, justum, conveniens omne quòd vult; quia ipsa est prima, & suprema regula totius bonitatis, justitiæ, & convenientiæ; nostra e contra supponat in rebus bonitatem, justitiam, & convenientiam, quibus debet conformari: *Poterat Deus...* inquit August. Serm. 126. c. 3. *facere quidquid vellet, judicare ut vellet, & hoc quod vellet ipsa justitia est.* Et S. Thom. 1. part. quæst. 21. art. 1. ad 2. *Quod secundum suam voluntatem Deus facit, justè facit: & nos quod secundum legem faciamus, justè faciamus.* Ibid. quæst. 25. art. 5. ad 2. *Falsum est, quod dicitur: Deus non potest facere, nisi quod modò conveniens est, & justum:* quia, si voluisset aliud, fecisset conveniens, & justum. Quod ergo Deus tantam creature rationali benevolentiam impenderet, ut illam ad finem supernaturalem crearet, huncque, qui nunc est, rerum ordinem potius quam aliud instituerit, non fuit ex ipsa rerum convenientia, seu exigentia; sed ex libera, & gratuita ejus voluntate; consequenter poterat alium instituire, secundum quem conveniens fuisset creare hominem in statu naturæ puræ, ut manifestaretur, quid natura præcisè suis viribus posset, aut ob alios fines sibi notos: sicut etiam liberum arbitrium creatum est cum suo defectibilitatis defectu, qui omnium maximus est. Igitur non idè Deus noluit creare hominem in statu naturæ puræ, quia id non fuisset conveniens; sed non fuit conveniens, quia Deus volens ex singulari benevolentia creare hominem in ordinè ad finem supernaturalem, conveniens erat, ut illi ad suum finem subministraret media impossibilia cum statu







